

& Regiminis, quodque hæc voluntati Causæ primæ congrua sunt & grata. Sentimus enim in nobis met ipsiis corpus nostrum naturaliter ideoque divinitus, non tantum uniri Mentibus nostris, verum etiam illarum regimini subjici in actibus plurimis memoriæ, affectuum, & motuum præcipue muscularium. Hinc autem velut affixâ Menti idæâ seu exemplari Politix perpetuò admonemur, quæm diversæ res, propter subsidia, quæ afferant mutua, velut unum aggregatum necessariò considerandæ sunt, dum causas quarimus fœliciter vivendi; quæm necessarium est, ut è partibus nostris aliæ ab aliis determinentur; quantum pro fit ordo partium inter se, & quæm necessarius est ordinatus plurium causarum concursus ad omnes penè effectus naturæ nostræ gratos; quanto usui sint officia partium mutua, & quæm pernicioſa sit aliarum ab aliis separatio, quæ mortem naturalem minitatur. His pertractatis, agendum est de Bono & quidem maximo, quod in nostra aliquatenus potestate possum est.

CAPUT III.

De Bono Naturali.

Bonum est quod rei cuiuslibet, vel plurium, facultates conservat, vel insuper adauget & perficit. His enim effectibus se prodit peculiaris illa convenientia rei unius cum altera, quæ requiritur ut huic Naturæ, præter alias, quicquam Bonum esse dicatur.

Convenientiæ vocabulo non sum usus in definitione Boni, quoniam valdè Æquivocum est. Ea

ta-